

出門乘雲而去

景德度僧

東京景德寺之峩峩院向有蜀僧住錫號峩峩道者戒律精嚴越二十年不去一日有異人造訪青巾白袍丰姿瀟灑僧厚待之異人昂然直入方丈與語半夜而去期以明年今日後相見侍童皆見之迨明年次日午候僧索沐浴趺坐而逝至暮異人來歎息不已眾叩之俄失所在但見堂側壁間絕高處有詞一章題曰落日斜西風冷今夜故人來不來教人立盡梧桐影末書同省作三小字蓋寓洞賓二字減畫也其所書字筆勢飛動如舞鳳翔鸞人所莫及

道藏輯要

聖蹟紀要

罕

壁集五

目講脫難

目講師元時人爲陳友諒擄去羈於軍中屢欲脫去不得後友諒與明太祖大戰於嶓陽湖全軍覆沒目講得脫太祖圖形遍緝師無所歸欲從寧波入海夜遁過西山指天畫地默祝神靈庇護適逢呂帝知其前因憐之以柳枝浸水灑其面逾刻白面變爲黑面以此得脫在延慶寺出家靜修多年精於地理與客談論必遮以簾幕故俗稱爲幕講師至今有地理平洋訣行於世

橋柱題詞

蘇州垂虹橋一日有藍襖道人攜酒於橋亭上獨酌嘯咏終日